

(2)

A. 4.

CYRILLI FRANCHI
 SERVITÆ BONONIENSIS
 SACRAM THEOLOGIAM IN
 PVBLICIS BONONIAE
 Scholis profitentis.
 DE ANNO IVBILEI
 COMMENTARIVS.

Ad Illustrissimum, & Excellentiss. Principem IACOBVM
 BONCOMPAGNVN, S. Ecclesiæ Romanæ
 Gubernatorem.

Nunc primum in lucem editus.

CVM PRIVILEGIO PONT.



BONONIAE; MDLXXV.

Apud Societatem Typographiæ Bononiensis.

Curia Episc. & S. Inquisit. concessa.

GREGORIVS PAPA XIII.



AD FVTVRAM REI MEMORIAM. **D**amn-
bis excellens Ciuitatis nostræ **BONONIAE** con-
ditio, eiusque ciuium, & incolarum in omni
uirtutum genere, & præcipuè in liberalium di-
sciplinarum cognitione præstantia, cuius nos ipsi
certissimi testes sumus, ante oculos obuersatur,
ac meritò eo nomine eam urbem, uel apud exteros claram, & il-
lustrem esse animaduertimus, faciliè adducimur, illis non me-
diocriter fauere, qui studiosorum usui, dictæque ciuitatis or-
namento imprimendi artem magnis laboribus, & expensis in ea
instituire quærunt, eaque in re perficienda neruos suos omnes
intendant. Cum itaque, sicut accepimus, dilectifilij **Quadra-**
ginta uiri **Reformatores** status libertatis ciuitatis eiusdem non-
nullis **Ciuiibus**, & **Mercatoribus**, qui se ad id conficiendum eo-
rundem **Quadraginta** uirorum precibus, & suasionibus inducti
paratos exhibuerant, curam in dicta ciuitate artem impressoriam
introducendi ad quoduis etiam insignium librorum genus egre-
gijs typis demandandum idoneam imposuerint: illi uerò omnes
labores, & expensas, aliaque ad eam rem perficiendam neces-
saria in se receperint. Nos intelligentes quantum laboris dicti
Ciues, & **Mercatores** ea in re suscipiant, ac propterea illis con-
sulere, & **Quadraginta** uiris præfatis rem gratam facere cupien-
tes, eorundemque omnium, ac ciuitatis uniuersæ commodo, &
utilitati studentes, ac uolentes, quoad fieri possit, **Officinam**
ad imprimendum primo quoque tempore instruendam sæliciter,
ac diligenter exerceri; & cum **Ciues**, & **Mercatores** præfati non
paruam ad eam rem perficiendam pecuniæ uim conferant, nemi-
nem fructu laborum suorum fraudari, & eosdem indemnes con-
seruari uehementer optantes, eisdem **Ciuiibus**, & **Mercatoribus**,
& pro eis **Agentibus**, ut opera omnia, & quascunque alias res no-
uas hæcenus non impressa in vulgus in posterum successiuis tem-
poribus edenda, & per ipsos **Mercatores**, & **Ciues**, aut alios ab
eis deputandos: illis tamen ab **Inquisitoribus** dictæ ciuitatis, aut
alijs, ad quos spectat, prius examinatis prima uice imprimenda,
per decem annos post eorundem operum, uel cuiuslibet ipso-
rum impressionem, ne ab alijs quibuscunque sub indicis de no-
uo adiecti, additionum, apostillarum, appendicum, aut commen-

CYRILLI FRANCHI,
DE ANNO IUBILEI.
CAP. I.

Causa, cur annus Iubilei annus sanctus dicatur.



ANNUM quintum & uigesimum, sanctū ideo dicimus, quod maiorum nostrorum imitatione, quotidianis operationibus, & ciuilibus, quæ ad Religionē, ac Pietatem, & ad salutem animæ pertinere uidentur, præponere debeamus: Hoc est diuinæ legis decretum; Quia Iobel est, & quinquagesimus est annus, non seretis, neque metetis sponte in agro nascentia, & primitias uindemiæ non colligetis ob sanctificationem Iubilei, sed statim ablata comedetis. Sanctus est annus; quia sanctas in eo actiones operamur: & in quo hæc sanctitas consistat docuit D. Hieron. de uita Clericorum ad Nepotianum; Nec immolemus agnum, nec mysticum Pascha celebremus: quia hæc absque templo fieri lege prohibentur. Figamus septimo mense tabernaculum, & solenne ieiunium buccina concrepemus. Quod si hæc omnia spiritualibus spiritualia comparantes, scientesque cum Paulo, quod lex spiritualis est, & David uerba cantantis: Reuela oculos meos, & considerabo mirabilia de lege tua. Sic intelligimus ut Dominus quoque noster intellexit, & interpretatus est sabbatum, hæc est sanctitas cõplectenda. Sanctus est annus quia nos ob sanctas operationes, sanctos reddere potest; in hoc enim expiari possumus à quacunque nostra improbitate: ita D. Hierony. qui sancti dicantur declarans ait; ex Monogamia Tertuliani; Sancti sunt fidelium filij, quasi candidati sint fidei, & nullius idolatriæ sordibus polluantur, ita legimus uasa sacra fuisse in tabernaculo, & cætera, quæ ad ritum cærimoniarum pertinent cum utique sancta esse non possint, nisi ea, quæ sentiunt, & uenerantur Deum: idioma erit scripturarũ est, ut interdum sanctos dicamus pro mundis, & expiatis: ita Bethsabæ sanctificata est ab immuditia sua: & templum sanctum dicimus, cum in eo sanctis actionibus operamur. Hæc ratione annus sanctus dicitur, quod ab omnibus criminibus, impietatibus, flagitijs in eo emundari studeamus. Non nisi causa est sanctus annus, sed quemadmodum D. ait Augustinus ad fratres in Exemo, locus non facit sanctos, sed operatio bona locum sanctificabit, & nos. Sanctus igitur annus est quia sanctè operari studeamus: Sanctus, cū sancta tractentur, Sanctus, quoniam in eo sanctitatem omnium sanctorum meritis omni studio perquirimus. Sanctus, quia à Deo sanctificatus est: ita legimus; Sanctificabisque annum quinquagesimum, & uocabis remissionem cuius habitatoribus terræ, Sanctus dicitur, quia totus ad cultum Dei sanctum,

referendus